

ЎЗБЕКИСТОН РЕСПУБЛИКАСИ БАНК-МОЛИЯ АКАДЕМИЯСИ

**Кўлёзма ҳукукида
УДК 339.743 (575.1)**

АБДИРИМОВ МУХАММАДЖОН АБДИРИМОВИЧ

**МИЛЛИЙ ВАЛЮТА АЛМАШУВ КУРСЛАРИНИНГ ТАШҚИ САВДО
ОПЕРАЦИЯЛАРИНИ РИВОЖЛАНТИРИШДАГИ РОЛИНИ
ОШИРИШ ЙЎНАЛИШЛАРИ**

08.00.07 – «Молия, пул муомаласи ва кредит»

**Иқтисод фанлари номзоди
илмий даражасини олиш учун тақдим этилган диссертация**

АВТОРЕФЕРАТИ

Тошкент-2009

336.5
A-14

Диссертация иши Ўзбекистон Республикаси Банк-молия академиясида бажарилган.

Илмий раҳбар:

иктисод фанлари доктори, профессор
Исломов Бахтиёр Анварович

Расмий оппонентлар:

иктисод фанлари доктори, профессор
Иминов Одилжон Каримович

иктисод фанлари номзоди,
Додиев Фозилжон Уткурович

Етакчи ташкилот:

Ўзбекистон Республикаси
Марказий банки

Химоя Ўзбекистон Республикаси Банк-молия академияси хузуридаги иктисод фанлари доктори илмий даражасини олиш учун диссертациялар химояси бўйича Д.005.25.01 ракамли Бирлашган ихтисослашган кенгашнинг 2009 йил «11» декабр соат «16» да ўтадиган мажлисида бўлади.

Манзил: 100000, Тошкент шаҳри, Х.Орипов кўчаси, 16-уй.

Диссертация билан Ўзбекистон Республикаси Банк-молия академияси кутубхонасида танишиш мумкин.

Автореферат 2009 йил «10» ноябр да таркатилди.

Бирлашган ихтисослашган
кенгаш илмий котиби, и.ф.н.

 Ф.И. Мирзаев.

ДИССЕРТАЦИЯНИНГ УМУМИЙ ТАВСИФИ

Мавзунинг долзарблиги. Мамлакатимизнинг экспорт салоҳиятини юксалтириш учун янги техника ва юкори технологияларни ишлаб чиқариш жараёнига жалб этиш ҳисобидан ташқи савдо муносабатлари барқарор ривожлантиришга эришилади. Айни пайтда миллий валюта курсининг барқарорлигини ва баҳолар масштабига мос келадиган даражасини таъминлаш мамлакатнинг халқаро савдо муносабатларини ривожлаштиришнинг зарурий шarti ҳисобланади. Бунинг сабаби шундаки, биринчидан, миллий валюта номинал алмашув курсининг ошиши экспорт қилинаётган товарлар баҳосининг ошишига ва уларнинг рақобатбардошлиги пасайишига олиб келади; иккинчидан, номинал алмашув курсининг ўсиши туфайли, импорт тўловлари қиймати ортади ва резидентларнинг импорт қилиш имконияти сезиларли даражада пасаяди; учинчидан, юзага келган жаҳон молиявий–иктисодий инкирози таъсирида республикамиз корхоналари томонидан экспорт қилинадиган маҳсулотларга жаҳон баҳосининг пасайиш хавфи кузатиляпти. Бу хусусда Ўзбекистон Республикаси Президенти И.А.Каримов: “...жаҳон бозорида талабнинг пасайиб бориши оқибатида Ўзбекистон экспорт қиладиган қимматбаҳо ва рангли металллар, пахта, уран, нефть маҳсулотлари, минерал ўғитлар ва бошқа маҳсулотларнинг нархи тушиб бормокда”¹, – деб таъкидладилар. Экспорт қилинадиган товарлар нархининг тушиши мамлакатимизга келадиган валюта маблағларнинг камайишига ва пировард натижада мамлакат ички валюта бозоридаги валюта таклифининг камайишига ва охир-оқибатда миллий валюта курсининг девальвация қилинишига олиб келиши мумкин.

Шуниси характерлики, республикамизда валюта курси динамикасининг импорт операцияларига нисбатан салбий таъсири мавжуд. 2002–2008 йилларда миллий валютанинг номинал алмашув курсининг АҚШ долларига ва бошқа етакчи хорижий валюталарга нисбатан пасайганлиги импорт тўловлари баҳосининг ўсишига олиб келди. Мазкур даврда сўмнинг АҚШ долларига нисбатан қадрсизланиши 143,6 фоизни ташкил қилди. Ўз навбатида, импорт тўловлари баҳоси ошиши миллий валюта алмашув курсига нисбатан салбий таъсирини юзага келтиргани ҳолда, хорижий нетто активларнинг ички таклифига нисбатан салбий таъсирини ҳосил қилмокда. Бу эса, жорий валюта бозорининг ликвидлиги пасайишига олиб келмокда. Ушбу шароитда сўмнинг номинал ва реал алмашув курслари ўзгаришининг мамлакат экспорт салоҳиятига таъсирини таҳлил қилиш муҳим аҳамият касб этади.

Дарҳақиқат, жаҳон молиявий–иктисодий инкирози шароитида республикамизда миллий валюта курсининг барқарорлигини таъминлаш ва унинг экспорт–импорт операцияларига нисбатан салбий таъсирига барҳам беришга қаратилган илмий таклиф ва амалий тавсиялар ишлаб чиқилиши ушбу мавзунинг тадқиқ қилиш заруриятини белгилайди.

¹ Каримов И.А. Ватанимизнинг босқичма-босқич ва барқарор ривожланишини таъминлаш – бизнинг олий мақсадимиз. “Халқ сўзи”, -2008 йил 6 декабр.

Ўзбекистон Республикаси миллий валюта курсининг экспорт–импорт операцияларини ривожлантиришдаги ролини ошириш билан боғлиқ бўлган долзарб муаммолари республикамиз олимлари томонидан алоҳида мустақил илмий-тадқиқот объекти сифатида ўрганилмаганлиги таъналанган тадқиқот мавзусининг долзарблигини белгилаб беради.

Муаммонинг ўрганилганлик даражаси. Миллий валютанинг алмашув курси барқарорлигини таъминлаш ва унинг ташқи савдо муносабатларига таъсирининг назарий ва амалий жиҳатлари хорижлик иқтисодчи олимлар – А.Шварц, Ж.Кейнс, М.Фридмен, И.Фишер, А.Навой, А.Улюкаев, Г.Кассел, Ж.Мид, Ж.Матук, Ж.Флеминг, Л.Катао, Л.Красавина, М.Террондз, М.Пивоварова, М.Ершов, О.Лаврушин, П.Самуэльсон, Р.Манделл, А.Илларионов, Р.Дорнбуш, Р.Маккиннон, С.Фишер, Ф.Махлуп²ларнинг илмий изланишларида тадқиқ қилинган. Масалан, Л.Красавина, П.Самуэльсонлар томонидан миллий валютанинг номинал алмашув курслари ўзгаришининг экспорт–импорт операциялари ва тўлов балансига таъсири масаласи чуқур тадқиқ қилинган.

Диссертация мавзусининг айрим назарий ва амалий жиҳатлари А.Вахабов, О.Олимжонов, О.Иминов, Н.Ҳайдаров, Н.Каримов, Ш.Абдуллаева, Т.Расулов, М.Шарифхўжаев, Ш.Ражаббаев, Ж.Кудайбергенов³ларнинг илмий изланишларида ўз ифодасини топган.

Н.Х.Жумаев томонидан валюта курси билан боғлиқ бўлган валюта муносабатларини ривожлантиришнинг услубий асослари тадқиқ қилинган бўлса, Т.И.Бобакулов илмий ишида сўмнинг барқарорлигини таъминлаш масаласи таҳлил қилинган. Б.А.Исламов илмий ишида эса, минтақадаги ташқи савдо ва алмашув курслари муаммолари чуқур ўрганилган⁴.

² Фридмен М. Если бы деньги заговорили... Пер. с англ. - Москва: Дело, 1999. -160 с.; Кейнс Дж.М. Общая теория занятости, процента и денег -М.: ТЕЛИОС АРВ 1999. -352 с.; Mundell R.A. The monetary dynamics of international adjustment under fixed and flexible exchange rates // Quarterly Journal of Economics 74 (2). May 1960. - 257 p.; Machlup F. International payments, debts, and gold. - London: George Alien & Unwin, 1966. -50 p.; Кассель Г. Инфляция и валютный курс. -М.:Эльф-пресс, 1995. -23 с.; Международные валютно-кредитные отношения и финансовые отношения. Под ред. Красавина Л.Н. -Москва: Финансы и статистика, 2001, - 184 с.

³ Вахабов А.В., Худайкова Н.К. Международные валютно-кредитные и финансовые отношения. Ташкент: НУРТ, 2003.-278 с.; Абдуллаева Ш.З. Халқаро валюта-кредит муносабатлари. -Тошкент "IQTISOD-MOLIYA", 2005.-588 б.; Иминов О.К. Бозор иқтисодиёти шароитида кредит тизими ва уни такомиллаштириш масалалари. Иқт.фан доктори илмий даражасини олиш учун ёзилган диссертация автореферати. -Тошкент, УЗРБМА. 2001.-21 б.; Каримов Н.Ф. Ўзбекистон Республикасида инвестицион лойиҳаларни молиялаштириш амалиётини такомиллаштириш йўллари. Т. Fan va texnologiya, 2007. -160 б.; Жумаев Н.Х., Кудайбергенов Ж.Ш. Валютный курс и пути его регулирования. -Ташкент "IQTISOD-MOLIYA", 2006. -132 б.; Расулов Т.С. Халқаро валюта муносабатлари назарияси. -Тошкент "Молия", 2008.- 257 б.; Ражаббаев Ш.Р. Ўзбекистон валюта сисъатининг хорижий инвестицияларни жалб этишга таъсири. Иқт.фан номзоди илмий даражасини олиш учун ёзилган диссертация автореферати. -Т. 2008. -20 б.

⁴ Жумаев Н.Х. Ўзбекистонда валюта муносабатларини тартибга солиш методологиясини такомиллаштириш. Монография. -Тошкент: Fan va texnologiya, 2007.-232 б.; Бобакулов Т.И. Миллий валютанинг барқарорлиги. Монография. - Тошкент: Fan va texnologiya, 2007.-184 б.; Исламов Б.А. Марказий Осиё мустақил давлатлари: трансформация ва жаҳон иқтисодиётига интеграция жараёналарининг қиссий таҳлили. Иқт.фан доктори илмий даражасини олиш учун ёзилган диссертация автореферати. -Т. 2002. -23-38 б.;

Умуман, миллий валютанинг алмашув курслари ва ташки савдо операциялари ўртасидаги алоқадорлик масаласи республикамиз олимлари томонидан муस्ताкил илмий-тадқиқот объекти сифатида ўрганилмаган.

Диссертациянинг илмий-тадқиқот ишлари режалари билан боғлиқлиги. Тадқиқот иши Ўзбекистон Республикаси Банк-молия академиясининг илмий-тадқиқот ишлари режаси доирасида бажарилган.

Тадқиқот мақсади – сўмнинг алмашув курслари барқарорлигини таъминлаш орқали ташки савдо операцияларини ривожлантиришга қаратилган илмий таклиф ва амалий тавсиялар ишлаб чиқишдан иборат.

Тадқиқот вазифалари сифатида қуйидагилар белгилаб олинди:

– миллий валютанинг алмашув курслари ва ташки савдо операциялари ўртасидаги алоқадорликнинг назарий асосларини тадқиқ қилиш ва уларнинг амалиётга татбиқ этишга қаратилган илмий хулосаларни шакллантириш;

– миллий валютанинг алмашув курслари ва ташки савдо операциялари ўртасидаги бевосита алоқадорликни таъминлаш борасидаги хориж тажрибасини ўрганиш ва улардан республикамиз амалиётда фойдаланиш юзасидан илмий хулоса ва амалий тавсияларни шакллантириш;

– сўмнинг алмашув курслари динамикаси ва уларнинг ташки савдо операцияларига таъсирини таҳлил қилиш ва ривожланиш тенденцияларини аниқлаш;

– жаҳон молиявий-иқтисодий инқирози даврида миллий валютанинг алмашув курслари ва ташки савдо операциялари ўртасидаги алоқадорлик муаммоларини аниқлаш;

– сўмнинг алмашув курслари барқарорлигини таъминлаш йўли билан ташки савдо операцияларини ривожлантиришга қаратилган илмий таклиф ва амалий тавсиялар ишлаб чиқиш.

Тадқиқот объекти бўлиб, Ўзбекистон Республикаси Марказий банкнинг курс сиёсати ва ҳўжалик юритувчи субъектларнинг экспорт-импорт операциялари ҳисобланади.

Тадқиқот предмети – миллий валютанинг алмашув курслари ва ташки савдо операциялари ўртасидаги алоқадорлик жараёнида юзага келадиган валюта муносабатларидир.

Тадқиқот методлари: гуруҳлаш, қиёсий ва таркибий таҳлил, иқтисодий ҳисоб-китоблар, индукция ва дедукция, тизимли ёндошув, манتيкий изчилик.

Тадқиқот гипотезаси. Тадқиқот ишида сўмнинг алмашув курслари барқарорлигини таъминлаш орқали ташки савдо операцияларини ривожлантиришга қаратилган илмий таклиф ва амалий тавсиялар гипотезанинг ассоциация усулидан фойдаланган ҳолда ишлаб чиқилди.

Ҳимояга олиб чиқиляётган асосий ҳолатлар:

– 6 ёки 12 ойлик муддатга сўмнинг номинал алмашув курсининг тебраниш йўлакчасини ўрнатиш таклифи асосланди;

– Ўзбекистоннинг етакчи ташки савдо ҳамкорлари бўлган давлатларнинг миллий валюталарига нисбатан сўмнинг реал алмашув курси кўтарилиб кетишига йўл қўймасликнинг мақсадга мувофиқлиги асослаб берилди;

– нақд пулсиз ҳисоб–китоблардан фойдаланиш амалиётини такомиллаштириш йўли билан республикамиз корхоналарининг импорт тўловларини амалга ошириш тартибини такомиллаштириш таклифи ишлаб чиқилди;

–Ўзбекистон корхоналари экспортининг географик диверсификация килиниши даражаси оширилиши асослаб берилди;

– жаҳон молиявий–иктисодий инқирози таъсирида корхоналарнинг экспорт тушумларини камайиш ҳолатида сўмнинг ревальвация килинишига йўл кўймаслик илмий таклифи асосланди;

– Марказий банкнинг қайта молиялаш ва очик бозор операциялари орқали миллий валютадаги пуллар таклифи тартибга солинишини кучайтириш асосида сўмнинг номинал алмашув курси барқарорлигини таъминлаш таклифи ишлаб чиқилди.

Илмий янгилиги:

–миллий валютанинг алмашув курслари ва ташқи савдо операциялари ўртасидаги мутаносиб алоқадорлигини таъминлаш борасидаги хориж тажрибаси ўрганилди ва улардан республикамиз амалиётида фойдаланиш юзасидан илмий хулоса ва амалий тавсиялар шакллантирилди;

– сўм номинал алмашув курсининг тебраниш чегараларини белгилашнинг мақсадга мувофиқлиги асослаб берилди;

– мамлакатимиз корхоналари экспортининг диверсификация килиниши даражаси оширилиши йўналиши асослаб берилди;

– сўмнинг номинал алмашув курси барқарорлигини таъминлаш орқали унинг экспорт–импорт операцияларига нисбатан салбий таъсирга барҳам бериш илмий таклифи асослаб берилди.

Тадқиқот натижаларининг илмий ва амалий аҳамияти. Тадқиқот ишида олинган илмий хулоса ва амалий тавсиялардан миллий валюта алмашув курсларининг ташқи савдо операцияларини ривожлантиришдаги ўрнини чуқур тадқиқ этишга бағишланган келгусидаги илмий-тадқиқот ишларида манба сифатида фойдаланиш мумкин.

Илмий ишнинг амалий аҳамияти шундаки, тадқиқотда келтирилган илмий асосланган таклифлардан Ўзбекистон Республикаси Марказий банки томонидан курс сиёсатини такомиллаштириш тадбирларини ишлаб чиқишда, диссертация иши материалларидан олий ўқув юрғларида “Пул, кредит ва банклар”, “Халқаро валюта-кредит муносабатлари”, “Халқаро валюта операциялари ва халқаро ҳисоб-китоблар” фанлари ўқув дастурларини такомиллаштиришда ва ўқитишда қўлланилиши мумкин.

Ишнинг синовдан ўтиши. Диссертациянинг илмий таклифлари ва амалий хулосалари «The ways of improving tax system and insurance activity in conditions of economy liberalization» (Tashkent, 2004), «Социально-экономические проблемы переходной экономики» (Санкт-Петербург, 2005), «Проблемы углубления реформ в банковской и финансовой системах Республики Узбекистан» (Ташкент, 2005), «Мустақиллик йилларида

Ўзбекистон Республикаси банк-молия тизимининг ривожланиши» (Тошкент, 2006), «Социально-экономические закономерности развития мирохозяйственных связей в условиях усиления интеграционных процессов» (Москва, 2006), «Развитие розничного банковского бизнеса» (Ташкент, 2007), мавзуларидаги халқаро ва республика илмий-амалий конференцияларида илмий маърузалар кўринишида баён қилинган ва маъқулланган.

Натижаларнинг эълон қилинганлиги. Илмий-тадқиқот натижалари умумий ҳажми 3,7 босма табоқ бўлган 13 та чоп этилган ишларда, шу жумладан, олтита илмий мақола ва етти та тезисда ўз аксини топган.

Диссертациянинг тузилиши ва ҳажми. Диссертация таркибан кириш, учта боб, хулоса ва фойдаланилган адабиётлар рўйхатидан иборат. Унинг умумий ҳажми 130 бетдан иборат бўлиб, ўз ичига 8 та жадвал ва 9 та расми камраб олган.

ДИССЕРТАЦИЯНИНГ АСОСИЙ МАЗМУНИ

Валюта курси шаклланишининг назарий асосларини ўрганишда ХХ асрнинг бошида шведиялик иқтисодчи Г.Кассел томонидан яратилган Харид қобилияти паритети (ХҚП)⁵ концепцияси муҳим ўрин тутди. ХҚП назарияси монетар концепцияларнинг ҳозирги шароитларга мослашган янги варианты ҳисобланади. Валюта курсларининг монетар назарияси ХҚП назариясининг у ёки бу шаклини ўз асосига олади.

Валюта курси назариясининг объектини аниқлашда иқтисодий категория сифатида мустахкам эластик курсни ўрганиш алоҳида ўрин тутди. Дж.М.Кейнс назариясининг бошланғич тизими, кичик очик иқтисодиёт асосларини ўзида мужассам этган, кенгайтирилган IS-LM модели ҳисобланади⁶. Бу ҳолатдаги мувозанат товар ва пул, ҳамда валюта бозорларида ҳам ҳисобга олинади. Ушбу моделнинг бирламчи вариантлари асосчилари Манделл ва Флеминг ҳисобланишади. Манделл-Флеминг (Ф-М) моделида валюта курсини аниқлашнинг энг кенг тарқалган ёндашувларидан бири бўлиб тўлов баланси модели деб хулоса қилинади. Унинг моҳияти шундаки, соф тебранишларда валюта курси чет эл валютасига бўлган талаб ва таклиф оқимини мувозанатлаштиради, яъни тўлов баланси қолдиғи нолга тенг бўлиши керак, дейилади. Соф сузиб юрувчи валюта курслари ҳолатида жорий сўмнинг ортиқчилиги (чет эл валютаси таклифи оқими) капитал сўмнинг дефицити билан аниқ компенцияланиши керак. Валюта курсини Кейнс назариясига кўра, моделлаштириш жорий ва капитал сўмнинг ўзгаришлар даражасига асосан аниқланади. Кейнс очик иқтисодиёт модели доирасида валюта курсини аниқлашда, тўлов балансини мувозанатлаштиришга асосланган валюта бозорини тенглаштириш муҳим аҳамият касб этади, деб таърифлайди⁷.

⁵ Кассель Г. Инфляция и валютный курс. – Москва: “Ольф пресс”, 1995. -15-20 с.

⁶ Расулов Т.С. Халқаро валюта муносабатлари назарияси. –Тошкент “Молия”, 2008. -59 б.

⁷ Ядгаров Я.С. История экономических учений. – Москва “Экономика”, 1996. – 211с.

Ташки савдо ва валюта курси сиёсати ўртасида яқин алоқадорлик мавжуд. Ташки савдо чекловлари ва валюта курслари иқтисодий сиёсатнинг мустақил инструментлари бўлишига қарамасдан, улар бир-бирларини тўлдиришлари ва ўринларини босишлари мумкин. Бир томондан ҳукумат ташки савдони қўллаб-қувватлаш учун валюта назоратига ҳам мурожаат қилиши мумкин. Масалан, хориж валютасининг маъмурий тақсимланиши кўпинча импортда монополия мавжудлиги ҳолатида кузатилади. Бошқа томондан, савдо чекловлари ва лицензиялаш валюта назорати қўлланилишини юмшатиш учун фойдаланилиши мумкин. Шу билан бир қаторда, валюта назорати кўпинча макроиқтисодий мақсадларда ишлатилади, хусусан, зарурий валюта захиралари даражасини таъминлаш учун ташки савдо чора-тадбирларининг мақсадида алоҳида тармоқларни қўллаб-қувватлаш, рағбатлантириш ҳисобланади. Валюта назорати давлатнинг ички солик базасини қанчалик қўллаб-қувватлай олишига боғлиқ равишда бюджет даромадлар даражасига бевосита таъсир этиши мумкин.

1980 йилларда кўпгина ривожланаётган мамлакатлар томонидан ташки савдо сиёсатида нисбатан очик иқтисодий шакллантириш ва махсулот рақобатбардошлигини ошириш, ресурслар тақсимоли ва иқтисодий ўсишнинг янада самарадорлигини таъминлашга йўналтирилган самарали ислохотлар амалга оширилди. Ушбу ислохотларда марказий ўринлардан бирини валюта курси сиёсати эгаллади. Шундай қилиб, иқтисодий ислохотлар муваффақияти ва мамлакатнинг глобаллашув жараёнида иштирокининг фаоллашувида валюта бозори эркинлаштирилиши муҳим аҳамият касб этади.


Валюта бозорини эркинлаштириш ташки савдо ислохотларига бевосита таъсир кўрсатади: биринчидан, мажбурий валюта назорати бекор қилиниши ресурслар тақсимолини нисбатан самарали бўлишига таъсир қилгани ҳолда, валюта бозорида ва ташки савдо муносабатларига ижобий таъсир кўрсатади. Валюта назорати импорт товарларига нисбатан ички нархларнинг ўсишига олиб келади, қисқа қилиб айтганда эса, импорт ҳажми истёмоқ ва инвестицияларга таъсир кўрсатувчи салбий фактор ҳисобланади⁸. Иккинчидан, валюта чекловларини олиб ташлаш ликвидли доимий фаолият олиб боровчи самарали валюта бозори ривожланишига таъсир этади ва шу билан бир қаторда, халқаро савдо билан боғлиқ трансакцион харажатлар ва ноаникликларни камайтиради. Учинчидан, валюта бозорини эркинлаштириш ўз-ўзидан ташки савдо ислохотларининг чуқурлашувига таъсир кўрсатиши мумкин.

Ўзбекистон ҳукумати 2000 йилдан бошлаб, хорижий валюта бозорини эркинлаштириш сиёсатини амалга ошира бошлади. 2000 йил 1 майдан бошлаб, мавжуд турли валюта операцияларини амалга оширишда қўлланилган биржа ва биржадан ташқари алмашув курсларининг бирхиллаштирилиши хорижий валюта бозорини эркинлаштиришда қўйилган биринчи қадам бўлди. Ушбу курсларни бирхиллаштиришга сўмнинг биржа курсини 60% девальвациялаш

⁸ J. Greenwood, K. Kimbrough. An Investigation in the Theory of Exchange Controls. Canadian Journal of Economics, 1987,-271-288 pp.

йўли оркали эришилди. Барча операциялар учун Марказий банкнинг ягона курси қўлланила бошланди⁹. 2000 йил 1 июлдан бошлаб эса, хорижий валюта бозори биржа ва биржадан ташқари валюта бозорларига бўлинди. Бундан олдин Ўзбекистон Республикаси валюта биржасида сўмнинг хориж валютасига конвертацияси бўйича операцияларнинг сезиларли қисми биржадан ташқари валюта бозорига ўтказилди¹⁰. Шунингдек, биржада миллий валютанинг алмашув курси сезиларли даражада девальвация килинди ва параллел бозор алмашув курси даражасида ўрнатилди.

2001–2002 йилларда Марказий банкнинг қайта молиялаш ставкаси ва инфляция ўртасида тесқари алоқадорлик кузатилган, (1-расм). Бу эса, 2001–2002 йилларда сўм алмашув курсларининг унификация килиниши туфайли унинг юқори даражада девальвацияланганлиги ҳамда Марказий банк ва ҳукуматнинг инфляцияни жиловлашга қаратилган сиёсат олиб борганлиги билан изоҳланади. Таҳлиллар кўрсатишича, қайта молиялаш ставкасининг оширилиши сўмдаги пул массасининг ўсиш суръатини секинлаштиради ва инфляция даражаси пасаяди.



1-расм. Сўмнинг АҚШ долларига нисбатан девальвация даражаси, инфляция ва Марказий банкнинг қайта молиялаш ставкаси ўртасидаги боғлиқлик динамикаси¹¹

⁹ ЎЗРВМнинг 2000 йил 28 апрелдаги 171-сонли “Валюта ва экспорт-импорт операциялари бўйича ҳисоб ва ҳисобот тартибини такомиллаштириш тўғрисида”ги қарори. “Ўзбекистон Республикаси Ҳукумати қарорлари тўплами”, –Т. 2000 й., № 4, 22-модда.

¹⁰ ЎЗРВМнинг 2000 йил 29 июндаги 245-сонли “Биржадан ташқари валюта бозорини янада ривожлантириш ва мустаҳкамлаш чора-тадбирлари тўғрисида”ги қарори. “Ўзбекистон Республикаси Ҳукумати қарорлари тўплами”, –Т. 2000 й., № 6, 33-модда.

¹¹ Муаллиф томонидан Ўзбекистон Республикаси Марказий банки маълумотлари асосида тайёрланди

2004–2008 йилларда мамлакатимизда инфляцияни жиловлашга муваффақ бўлинди. Бу эса, миллий валютанинг қадрсизланиш даражаси ва Марказий банк қайта молиялаш ставкаси пасайишига олиб келди.

2003 йилнинг 15 октябридан Ўзбекистон худудида жорий халқаро операцияларда Халқаро Валюта фонди келишувининг VIII моддасига асосан расмий тарзда миллий валютани (сўм) конвертация қилиш қабул қилинди. Сўм, товарлар экспорт–импорти, валютадаги бойликларни олди–сотдиси, хорижга, Ўзбекистонга фоиз, дивиденд ва бошқа банкдаги омонатдан, кредитдан, инвестициядан ва бошқа молиявий операциялардан ўтказмалар, ҳамда носавдо характердаги ўтказмалар (таълим олиш, суғурталаш, ҳадя ва бошқа даромадлар) бўйича ҳисоб–китобларни олиб бориш учун конвертацияланадиган валюта бўлиб қолди. Ушбу чора бир неча алмашув курсларини йўқотишга, жисмоний ва юридик шахсларга нақд бўлмаган маблағлар билан айирбошлаш пунктлари орқали эркин алмашадиган валютани сотиб олиш бўйича чекловларни олиб ташлашга имкон берди.

1-жадвал маълумотларидан кўринадики, 2002–2008 йилларда экспорт импорт ҳажмига нисбатан жадал суръатларда ўсди. Ушбу ҳолатнинг сабабларидан бири сўмнинг АҚШ долларига нисбатан алмашув курсининг мазкур давр мобайнида пасайиш тенденциясига эга бўлганлиги ҳисобланади. Сўмнинг номинал алмашув курсининг пасайиши экспорт қилинаётган товарлар баҳосини тушириш имконини берди ва бунинг натижасида мазкур товарлар рақобатбардошлиги ошди.

1-жадвал

Ўзбекистон Республикасида сўмнинг алмашув курси ва экспорт-импорт операциялари ўртасидаги алоқадорлик¹²


Кўрсаткичлар	Й И Л Л А Р							2008 йилда 2002 йилга нисбатан ўзгариши, %
	2002	2003	2004	2005	2006	2007	2008	
1. Экспорт млн. АҚШ доллари	2998,8	3725,0	4853,0	5408,8	6389,8	8991,5	11572,9	385,9
2. Импорт, млн. АҚШ доллари	2712,0	2964,2	3816,0	4091,3	4395,9	5235,6	7504,1	276,7
3. валюта курси, сўм	970,0	980,0	1058,0	1180,0	1240,0	1291,23	1393,0	143,6

¹² Ўзбекистон Республикаси Давлат статистика қўмитасининг йиллик статистик бюллетенлари маълумотлари асосида муаллиф томонидан ҳисобланди.

Миллий валюта номинал алмашув курсининг кўтарилиши импорт хажмини ошириш нуктаи-назаридан салбий ҳолат ҳисобланади. Чунки, бундай шароитда импорт туловларининг миллий валютадаги эквиваленти миқдори ошади. Бу эса, ўз навбатида, импортёрларнинг пул оқимиغا нисбатан салбий таъсирни юзага келтиради.

2008 йилда бошланган жаҳон молиявий-иқтисодий инкирози шароитида экспорт товарларимизга жаҳон бозорида талабнинг пасайиб бориши, улар нархлари тушиши мамлакатимиз иқтисодиётига келадиган валюта маблағлари камайишига олиб келди. Бу борада Ўзбекистон Республикаси Президенти И.А.Каримов “Жаҳон молиявий-иқтисодий инкирози, Ўзбекистон шароитида уни бартараф этишнинг йўллари ва чоралари” асарига экспорт қилинадиган маҳсулотлар нархлари тушиб кетиши тўғрисида тўхталиб: “... Бу эса, ўз навбатида, ҳўжалик юритувчи субъектлар ва инвесторларнинг экспортдан оладиган тушумлари камайишига олиб келади. Уларнинг фойда қўришига ва ишлаб чиқариш рентабеллигига, охир-оқибатда эса макроиқтисодий кўрсаткичларимизнинг ўсиш суръатлари ва иқтисодиётимизнинг бошқа томонларига салбий таъсир этади”¹³, - деб таъкидлаб ўтади.

2-расмдан кўриниб турибдики, мамлакат экспорти ҳажми йил сайин ортиб бормоқда ва бу ҳолат мамлакат ташқи савдо операцияларининг кенгайиб бораётганлигидан далолат беради. Аммо, ташқи савдо операциялари таркибида хомашёлар улуши салмоқли бўлиши экспортдан тушадиган тушумнинг беқарор тебраниши билан характерланади. Чунки, хом ашё товарлари нархи кескин тебранишларга мойил бўлади.



2- расм¹⁴. Экспорт ҳажми динамикаси (млн. АҚШ долл. ҳисобида).

2-жадвал маълумотларидан кўриниб турибдики, мамлакатимиз экспорт таркиби биринчидан, анча диверсификация қилинган, иккинчидан, хомашёлар улуши йилдан-йилга камайиб бормоқда.


¹³ Каримов И.А. “Жаҳон молиявий-иқтисодий инкирози, Ўзбекистон шароитида уни бартараф этишнинг йўллари ва чоралари”, –Тошкент, “Ўзбекистон”, 2009. -Б.12.

¹⁴ Ушбу диаграмма муаллиф томонидан Ўзбекистон Республикаси Давлат Статистика қўмитасининг йиллик ахборотномалари маълумотлари асосида тузилди.

Жами экспорт динамикаси¹⁵

Кўрсаткичлар	2003й	2004й.	2005й.	2006й.	2007й.	2008й.
Жами экспорт, млн. АҚШ долл.	3725	4853	5409	6390	8991	11573
шу жумладан, %да:	100	100	100	100	100	100
Пахта толаси	19,8	18,1	19,1	17,2	12,5	9,2
Озик-овқат махсулотлари	2,7	3,8	3,8	7,9	8,5	4,4
Кимё, пластмасса ва улардан ясалган буюмлар	3,1	4,7	5,3	5,6	6,8	5,6
Рангли ва қора металл	6,4	8,6	9,2	12,9	11,5	7,0
Машина ва ускуналар	5,9	7,4	8,4	10,1	10,4	7,5
Энергия манбалари	9,8	12,4	11,5	13,1	20,2	25,2
Хизматлар	14,4	11,8	12,2	12,1	10,7	10,4
Бошқалар	37,9	33,2	30,5	21,1	19,4	30,7

Жаҳон молиявий–иқтисодий инкирози мамлакат экспортдан келадиган валюта тушумлари камайишига олиб келади. Шу ўринда шартли “А” рангли ва қора металл ишлаб чиқарувчи, ҳамда “Б”¹⁶ пахта толасидан калава ип ишлаб чиқарувчи корхоналар экспорт тушумлари динамикасини келтирган ҳолда мамлакатимиз экспортёр корхоналарининг экспортдан оладиган валюта тушумлари пасайиб бораётганини баҳолаймиз.



3-расм. “А” ва “Б” корхоналар экспорти динамикаси¹⁷

¹⁵ Ушбу жадвал муаллиф томонидан Ўзбекистон Республикаси Давлат статистика қўмитасининг йиллик ахборотномалари маълумотлари асосида тайёрланди.

¹⁶ Корхоналар молиявий фаолияти тижорат сири бўлганлиги боис, ушбу корхоналарни шартли равишда “А” ва “Б” деб белгилаб олдик. Аммо, барча ҳисоб-китоблар аниқ рақамлар асосида тадқиқотчи томонидан ҳисобланган. Бунда 2007 йил 2-чорак маълумотлари база даври деб олинган.

¹⁷ Муаллиф томонидан банк ҳисоб рақамлари айланмалари асосида тайёрланди.

3–расм маълумотларидан ҳам кўриниб турибдики, қайд этилган корхоналарнинг экспорт тушумлари миқдори охириги тўрт чорак давомида узвий пасайиш тенденциясига эга бўлган. Ушбу ҳолат ўз навбатида, мамлакат миллий валютаси девальвация қилинишига замин яратади.

Бундай ҳолатда мамлакат Марказий банки миллий валюта алмашув курсини белгиланган параметрларда ушлаб туриши учун мавжуд олтин валюта захираларидан бир қисмини ишлатишга мажбур бўлади. Чунки, жаҳон бозорларида нархларнинг пасайиши туфайли, экспортдан келадиган валюта тушуми камаяди ва ички валюта бозоридаги таклиф ҳам қисқара боради.

Тадқиқот ишида сўмнинг алмашув курсини барқарорлаштириш ва унинг халқаро савдо муносабатларини ривожлантиришдаги ролини ошириш билан боғлиқ бўлган қуйидаги муаммолар аниқланди:

- миллий валютанинг номинал алмашув курси барқарорлигини таъминлаш муаммоси;
- сўмнинг етакчи хорижий валюталарга нисбатан реал алмашув курсининг ошиш тенденцияси юзага келганлиги;
- сўмнинг барқарорлигини таъминлаш тadbирлари самарадорлигига салбий таъсир қилувчи омиллар мавжудлиги;
- Ўзбекистон Республикасининг МДҲга аъзо мамлакатлар билан экспорт–импорт операциялари ривожланиш даражасининг паст эканлиги, (3-жадвал);
- республикамиз корхоналари экспорт салоҳиятига салбий таъсир қилаётган молиявий омилларнинг мавжудлиги.

3-жадвал

Муस्ताқил Давлатлар Ҳамдўстлигига аъзо алоҳида мамлакатларнинг Ўзбекистон Республикаси экспортидаги салмоғи¹⁸

% (фонзда)

Давлатлар / йиллар	2003	2004	2005	2006	2007	2008
Россия Федерацияси	12,3	12,3	14,9	19,0	26,0	28,4
Қозоғистон Республикаси	2,7	2,7	3,8	4,6	4,8	8,4
Тожикистон Республикаси	3,3	3,3	3,0	2,5	2,6	1,5

ХУЛОСА

Диссертацион ишини бажариш жараёнида миллий валютанинг барқарорлигини таъминлаш ва унинг халқаро савдо муносабатларини ривожлантириш борасидаги ролини оширишга қаратилган қуйидаги илмий таклиф ва амалий тавсиялар ишлаб чиқилди:

1. Миллий валюта – сўмнинг номинал алмашув курси динамикасининг экспорт–импорт операцияларига нисбатан юзага келаётган салбий таъсирига

¹⁸ Ўзбекистон Республикаси Давлат статистика қўмитасининг бюллетенлари маълумотлари асосида муаллиф томонидан тузилди

барҳам бериш учун қисқа муддатли даврий ораликларга, яъни 6 ёки 12 ойлик муддатга сўмнинг номинал алмашув курсининг тебраниш йўлакчасини ўрнатиш лозим.

2. Сўмнинг етакчи хорижий валюталарга нисбатан реал алмашув курсининг ошиш тенденцияси юзага келиши натижасида корхоналарнинг экспорт салоҳиятига нисбатан юзага келадиган салбий таъсирига барҳам бериш мақсадида Ўзбекистоннинг етакчи ташқи савдо ҳамкорлари бўлган давлатларнинг миллий валюталарига, улар билан ҳисоб-китобларда қўлланилаётган етакчи валюталарга нисбатан сўмнинг реал алмашув курсининг кўтарилиб кетишига йўл қўймаслик лозим.

3. Етарли миқдорда олтин-валюта захираларини шакллантиришга доир чора-тадбирларни амалга ошириш лозим.

4. Жаҳон молиявий-иқтисодий инқирози туфайли, экспортёрлар экспорт тушумининг камайиши натижасида уларнинг молиявий ҳолатига нисбатан юзага келадиган салбий таъсири юмшатиш мақсадида сўмнинг номинал алмашув курси ошишига йўл қўймаслик лозим.

5. Республика миқдорида корхоналарнинг экспорт-импорт тўловларини амалга ошириш тартибини такомиллаштириш мақсадида нуфузли хорижий банкларнинг аккредитив телеграммасини олиш билан, аккредитив суммаси келиб тушишини кутмасдан, товарларни экспортга жўнатиш тартибини жорий қилиш лозим.

6. Корхоналар экспортининг географик диверсификациялаш даражасини ошириш лозим. Масалан, айрим мамлакатларнинг ички бозорида Ўзбекистондан экспорт қилинаётган маҳсулотларга бўлган талабнинг ўзгариши шу мамлакатнинг ички бозорига экспорт қилинаётган маҳсулотлар ҳажмининг қисқаришига сабаб бўлиши мумкин. Шу сабабли, фикримизча, МДХга аъзо бўлган мамлакатлар ҳисобидан экспортимизнинг географик диверсификация қилиниш даражасини ошириш лозим.

7. Марказий банкнинг қайта молиялаш ва очиқ бозор сиёсатидан фаол фойдаланиш йўли билан миллий валютадаги пуллар таклифини тартибга солиш зарур.

ЭЪЛОН ҚИЛИНГАН ИШЛАР РЎЙХАТИ

1. Jumayev N.; Burkhanov U.; Abdirimov M. Specific features of Uzbekistan at the introduction of the national currency into circulation. // The ways of improving tax system and insurance activity in conditions of economy liberalization. The materials of international scientific - practical conference. – Tashkent, 2004. –P. 386-390.

2. Abdirimov M.; Jumayeva S. Creation of the national monetary system. // The ways of improving tax system and insurance activity in conditions of economy liberalization. The materials of international scientific - practical conference. – Tashkent, 2004. –P. 393-395.

3. Абдиримов М. Формирование и развитие валютного рынка в условиях переходной экономики Республики Узбекистан. // Тезисы и доклады

международной научно-практической конференции на тему: “Социально-экономические проблемы переходной экономики” (опыт, обобщения, закономерности). – Санкт-Петербург, 2005. –С. 278–280.

4. Abdirimov M. The necessity of the foreign exchange market for economic growth. // Материалы международной научно-практической конференции на тему: “Проблемы углубления реформ в банковской и финансовой системах Республики Узбекистан”. – Ташкент, 2005. –С. 323–325.

5. Абдиримов М. Валюта тизимини шакллантиришда Япония тажрибаси// Иқтисодиёт ва таълим. –Тошкент, 2005. – №3. – Б. 118–122.

6. Абдиримов М. Миллий валюта конвертацияси ва унинг валюта бозорини ривожлантиришдаги роли. // Мустақиллик йилларида Ўзбекистон Республикаси банк–молия тизимининг ривожланиши мавзусидаги Халқаро илмий - амалий конференция материаллари. – Тошкент, 2006.– Б. 418-419.

7. Abdirimov M. The exchange market and currency convertibility. // “Социально-экономические закономерности развития мирохозяйственных связей в условиях усиления интеграционных процессов”. Тезисы и доклады международной научно-практической конференции. – Москва, 2006. –С. 172-174.

8. Абдиримов М. Сўмнинг алмашув курсини барқарорлаштириш // Жамият ва бошқарув. –Тошкент, 2007. –№2.– Б.70-71.

9. Абдиримов М. Миллий валюта алмашув курси динамикасининг халқаро савдо муносабатларини ривожлантиришдаги ролини ошириш йўллари // Материалы международной научно-практической конференции на тему: “Развитие розничного банковского бизнеса”. –Ташкент, 2007.–Б. 288-289.

10. Абдиримов М. Валюта курси шаклланишининг назарий асослари // Биржа ЭКСПЕРТ. –Тошкент, 2008. –№7,8. –Б. 9-12.

11. Абдиримов М. Миллий валюта курси динамикаси ва ташқи савдо сиёсати алоқдорлиги // Иқтисодиёт ва таълим. –Тошкент, 2008. –№3. –Б.141-143.

12. Абдиримов М. Жаҳон молиявий инқирози ва унинг миллий валюта курсига таъсири // Биржа ЭКСПЕРТ. –Тошкент, 2009. – №4. – Б. 21-24.

13. Абдиримов М. Актуальные вопросы повышения роли обменных курсов национальной валюты в развитие внешнеторговых операций // Экономика и финансы. – Москва, 2009. –№6. –С. 30-32.

Иқтисод фанлари номзоди илмий даражасига талабгор Абдиримов Мухаммаджон Абдиримовичнинг 08.00.07 – “Молия, пул муомаласи ва кредит” ихтисослиги бўйича “Миллий валюта алмашув курсларининг ташқи савдо операцияларини ривожлантиришдаги ролини ошириш йўналишлари” мавзусидаги диссертациясининг

РЕЗЮМЕСИ

Таянч сўзлар: валюта курси, номинал алмашув курси, реал алмашув курси, девальвация, ревальвация, экспорт, импорт, дефицит, диверсификация, қайта молиялаш ставкаси, мажбурий захира ставкаси, пул таклифи, пулларга бўлган талаб, инфляция, монетизация, пул массаси, бож тўлови.

Тадқиқот объектлари: Ўзбекистон Республикаси Марказий банкнинг курс сиёсати ва хўжалик юритувчи субъектларнинг экспорт-импорт операциялари.

Ишнинг мақсади: сўмнинг алмашув курслари барқарорлигини таъминлаш орқали ташқи савдо операцияларини ривожлантиришга қаратилган илмий таклиф ва амалий тавсиялар ишлаб чиқишдан иборат.

Тадқиқот методлари: гурухлаш, қиёсий ва таркибий таҳлил, иқтисодий ҳисоб-китоблар, индукция ва дедукция, тизимли ёндошув, мантикий изчиллик.

Олинган натижалар ва уларнинг янгилиги: 6 ёки 12 ойлик муддатга сўмнинг номинал алмашув курсининг тебраниш йўлақчасини ўрнатиш таклифи асосланди; Ўзбекистоннинг етакчи ташқи савдо ҳамкорлари бўлган давлатлар миллий валюталарига нисбатан сўмнинг реал алмашув курси кўтарилиб кетишига йўл қўймасликнинг зарурлиги асослаб берилди; республикаимиз корхоналари экспортининг географик диверсификация даражасини оширишнинг лозимлиги асосланди; Марказий банкнинг қайта молиялаш ва очик бозор операциялари орқали миллий валютадаги пуллар таклифини тартибга солиш асосида сўмнинг номинал алмашув курси барқарорлигини таъминлаш таклифи асослаб берилди.

Амалий аҳамияти: ишлаб чиқилган илмий таклиф ва амалий тавсиялардан Ўзбекистон Республикаси Марказий банки курс сиёсатини такомиллаштириш тадбирларини ишлаб чиқишда фойдаланиш мумкин.

Татбиқ этиш даражаси ва иқтисодий самарадорлиги: муаллифнинг илмий таклифи ва амалий тавсиялари Ўзбекистон Республикаси Марказий банкнинг амалиётида қўллаш учун қабул қилинган. Диссертация материалларидан олий ўқув юртларида “Пул, кредит ва банклар”, “Халқаро валюта-кредит муносабатлари”, “Халқаро валюта операциялари ва халқаро ҳисоб-китоблар” фанларини ўқитишда фойдаланилмоқда.

Қўлланиш соҳаси: Ўзбекистон Республикаси Марказий банки, олий ўқув юртлари.

РЕЗЮМЕ

диссертации Абдиримова Мухаммаджона Абдиримовича на тему: «Направлении повышения роли обменных курсов национальной валюты в развитие внешнеторговых операций» на соискание учёной степени кандидата экономических наук по специальности 08.00.07 – «Финансы, денежное обращение и кредит»

Ключевые слова: валютный курс, номинальный обменный курс, реальный обменный курс, девальвация, ревальвация, экспорт, импорт, дефицит, диверсификация, ставка рефинансирования, ставка обязательных резервов, предложение денег, спрос на деньги, инфляция, монетизация, денежная масса, таможенная пошлина.

Объекты исследования: курсовая политика Центрального банка Республики Узбекистан и экспортно-импортные операции хозяйствующих субъектов.

Цель работы: разработка научных предложений и практических рекомендаций, направленных на развитие внешнеторговых операций путем обеспечения стабильности обменных курсов сума.

Методы исследования: группировка, сравнительный и структурный анализ, экономические расчеты, индукция и дедукция, системный подход, логическая последовательность.

Полученные результаты и их новизна: обоснованы предложения об установлении коридора колебаний номинального обменного курса сума на 6 или 12 месяцев; аргументирована необходимость недопущения повышения реального обменного курса сума по отношению к национальным валютам стран – ведущих торговых партнеров Узбекистана; обоснована необходимость повышения уровня географической диверсификации экспорта предприятий республики; обоснованы предложения об обеспечении стабильности номинального обменного курса сума на основе регулирования предложения денег в национальной валюте через операции рефинансирования и открытого рынка Центрального банка.

Практическая значимость: разработанные автором научные предложения и практические рекомендации могут быть использованы при разработке мер по совершенствованию курсовой политики Центрального банка Республики Узбекистан.

Степень внедрения и экономическая эффективность: предложения и рекомендации автора приняты для внедрения в деятельность Центрального банка Республики Узбекистан. Материалы диссертации используются в высших учебных заведениях при преподавании учебных курсов «Деньги, кредит и банки», «Международные валютно-кредитные отношения», «Международные валютные операции и международные расчеты».

Область применения: Центральный банк Республики Узбекистан, высшие учебные заведения.

RESUME

Thesis of Abdirimov Mukhammadjon Abdirimovich on the scientific degree competition of the doctor of philosophy in economics, speciality 08.00.07 – “Finance, money circulation and credit” subject: “Directions of improving the role of exchange rates of the national currency in developing foreign trade operations”.

Key words: exchange rate, nominal exchange rate, real exchange rate, devaluation, revaluation, export, import, deficit, diversification, refinancing rate, mandatory reserve rate, money supply, money demand, inflation, monetization, money base, customs fee.

Subjects of research: exchange rate policy of the Central bank of the Republic of Uzbekistan and export – import operations of entities.

Purpose of work: to develop scientific recommendations and practical suggestions on developing foreign trade operations by maintaining the stability of exchange rates of the Sum.

Methods of research: classification, comparative and structural analysis, economic analysis, induction and deduction, systematical approach, logical evaluation.

The results obtained and their novelty: proved the proposal of settling volatility corridor of nominal exchange rate of the Sum for 6 or 12 months; proved the necessity not to allow an increase in real exchange rate of the Sum relative to national currencies of key foreign trade partner countries of Uzbekistan; proved the necessity of increasing degree of geographic diversification of entities of the republic; proved the recommendation of maintaining stability of nominal exchange rate of the Sum through refinancing and open market operations of the Central bank.

Practical value: scientific recommendations and practical proposals may be used in producing measures on developing exchange rate policy of the Central bank of the Republic of Uzbekistan.

Degree of embed and economic effectivity: the author’s recommendations and proposals have been accepted for using in the activity of the Central bank of the Republic of Uzbekistan, materials of the research are being used in the process of teaching courses, such as “Money, credit and banking”, “International monetary – credit operations”, “International currency operations and settlements” in Higher education institutes.

Field of application: the Central bank of the Republic of Uzbekistan, higher education institutes.

Тадқиқотчи:



Боснига рухсат этилди	30.09.09
Қоғоз бичими	30x42
Ҳисоб-нашр табоғи	1,25 б.т
Адади	100
Буюртма	№ 135

**Тошкент Молия институти босмахонасида ризография
усулида чоп этилди. 100084, Тошкент Амир Темур тох кучаси 60^А-уй**